

Oqaasiliortut Ataatsimiinnerat
Pingasunngorneq februaarip 27-anni, 2008 nal. 13.00
Ilimmarfimmi Oqaasileriffiup ataatsimiittarfiani.

Peqataasut.: Abia Abelsen, Eva Møller Thomassen, Stephen Heilmann,
Carl Chr. Olsen aamma Katti Frederiksen


Oqaluuserisassatut siunnersuutigineqartut:

1. Tikilluaqqusineq (ilisarititsineq)
2. Imaqarniliap akuerineqarnera
3. Allakkat suliassartallit oqaatsillu isummerfigisassat (vilkår, Det centrale Personregister, narkohæler, Entreprenør- og bjerværksskole, voldtægt, kilisaatini taaguusersuutit, GA's standardforbehold, vesikler).
4. Allat


Ataatsimiinnermi imaqarniliaq

Ukioq manna aatsaat siullermeerutaasumik Oqaasiliortut ataatsimiipput, ullormi oqaluuserisassat assigiinngitsunut sisamanut immikkoortortaqlutik.

5. Tikilluaqqusineq ilisarititsinerlu pereermata ilisimatitsissutissat assigiinngitsut Pujup saqqummiuppai:
 - Pujup ilisaritippaa Oqaasileriffimmi Oqaasiliortut suliassaataannut akademisk sagsbehandlerisut atorfinittoq Katti Frederiksen februaarip aallaqqaataaniit atorfinittoq
 - Ilitsoqqussaralugu Oqaatsit Ulluannut aaqqissuussinerup iluatsilluarnera.
 - Pujup januaarimi Permanent Forumimut peqataasimanerani nalunaarusiaq apriilimi saqqummiunneqartussaassaaq.



- KIIP Oqaasileriffiullu Oqaatsitigut akuunerulersitsinissamut suliaq ukiamut inatsisartunut saqqummiunneqarnissaanut piareersaasiussapput.
 - KIIP-ip ataatsimeeqatigereerneraniit aalajangiunneqarpoq Nordisksprogkonventionip qanoq suliniutiginnissaa/neqitalernissaa Oqaasileriffimmit aamma Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfimmit (KIIN) iliuusissanik pilersaarusiunneqassaaq.
6. Ataatsimiinnermit kingullermit imaqarniliap akuerineqarnera.
- naqinnerliukkat oqaatsillu apeqqutilerneqarsimasut suliassiissutigeqqinneqarput.
7. Allakkat suliassartallit oqaatsillu isummerfigisassat (vilkår, Det centrale Personregister, narkohæler, Entreprenør- og bjerværksskole, voldtægt, kilisaatini taaguusersuutit, GA's standardforbehold, vesikler).
- VILKÅR kalaallisut tassa '*piumasaqaatit*', tassani malugeqquneqarpoq vilkår aamma suliaqarfinni allani allatat atugaasarmat isumaqartillugu "atukkat"
 - NARKOHÆLER kalaallisut '*ikiaroornartumik tuniniaassisooq*'
 - DET CENTRALE PERSONREGISTER tassa '*Aternik qitiusumik nalunaarsuiffik.*'
 - ENTREPENØR- OG BJERVÆRKSSKOLE tassaassaaq '*Sanaartornermut Ujaqqerinerermullu atuarfik.*'
 - ENTREPENØR- OG MINEUDDANNELSE tassaassaaq '*Sanaartornermik*



Aatsitassalerinermillu ilinniarneq.'

- OVERFALDSVOLDTÆGT tassaavoq '*Aatsaat naapitamik nakuuserluni*
atoqateqarneq'

- KONTAKTVOLDTÆGT tassaavoq '*Nalunngisamik pinngitsaaliilluni*
atoqateqarneq'

- PARVOLDTÆGT tassaavoq '*Inooqatigisamik inooqatigisimasamilluunniit*
pinngitsaaliilluni atoqateqarneq'

- Kilisaatini taaguusersuinissamik siunnersuuteqartoq annertunerusumik
tusarniaavigineqassaaq sorpiaat taaguusersoqqunerai..

- *GA's standardforbehold er gældende for tilbuddet tassaassaaq*
'Neqerooruteqarnermi Sulisitsisut pissutsit allanngornerini maleruagassiaat
tamanoortut atuupput'.

- VESIKLER kalaallisut pullaqinerit.

8. FN-ip Oqaatsinut Ukiorititaani Oqaasileriffik, ilaatigut allanik
peqateqarnermigut oqaatsitsinnik malunnartitsiniarluni ukiup
ingerlanerani aaqqissuisarniarpoq. Tassani Oqaasiliortuniit siunnersuutit
ilaat maaniipput:

- Aaqqissuussinerni Oqaasiliortut peqataatinneqarnissaat

- Tusagassiutit suleqatigalugit oqaatsivut pillugit aallakaatitassiorneq

- Unnussiaartitsinerit, taallanik, naatsulianik saqqummiussisarnerit,

Kalaallit Atuakkiortut suleqatigineqarsinnaapput.

Inussiarnersumik inuulluaqqusilluta

Carl Chr. Olsen

Katti Frederiksen

Siulittaasoq

Allatsi